

Crèsia de Sennora Nostra de Adamu (ruinas)

Sa crèsia de Sennora Nostra de Adamu, in territòriu de Arbatassa, oe est prus a prestu una ruina impreadu in is annos passados comente magasinu de s'oramai albergu-ristorante Speranza. Is muros de sa fiancada est afortida dae muros grossos e sa cobertura est in linna de ghinìberu cun sa curnissa a bista. Fiat sa crèsia de is navigadores e de is traballadores de su portu.

De propiedade privada su fàbricu est de is cumintzos de s'otighentos e est istada fata cun probabilidade dae una famiglia de nòbiles tortoliesos, fortzis is Cardia. Giai in is ùrtimos annos de s'800 si fiat sessadu de tzelebrare sa festa de custa Santa patrona. S'alluvione de su 1940 aiat iscalabradu meda sa cresiedda, pro custu su pàrracu de tando Canònicu Celestino Melis aiat fatu insistèntzia acanta su Proveditore de is Òperas Pùblicas Onorèvole Luigi Carboni, pro more chi esseret torrada a fraigare una cresiedda noa (sa de Stella Maris), bastante pro esertzitare is funtziones religiosas in cudda fratzione.